

## Sab Chodā To Kyā Milā?

**Injeel : Luqaas 18:28-34**

Īsā<sup>(a.s)</sup> ke shaagird, jinkā naam janaab Patras thā, unse bole, “Dekhiye, ham apnā sab kuch peechē chod kar āpke saath ā gae haiñ!”<sup>(28)</sup>

Īsā<sup>(a.s)</sup> ne unko jawaab diyā, “Haqeeqat ye hai ki jisne bhī Allaah taa’alā kī saltanat haasil karne ke liye apnā ghar, beewī-bacche, maañ-baap, aur apne bhaaeeyoñ ko chodā hai to<sup>(29)</sup> unko usse bhī zyaadā milegā jitnā wo chod kar āe haiñ. Unko ziñdagī me bhī kāi gunā zyaadā milegā aur āne waale waqt me abdī ziñdagī haasil hogī.”<sup>(30)</sup>

Īsā<sup>(a.s)</sup> ne apne baarah shaagirdoñ se akele me baat karī. Unhone unse kahā, “Suno! Ham Yerushalam jā rahe haiñ. Har wo peshangoī jo Allaah rabbul ālameen ne Ādmī Ke Beṭe ke liye apne pyaare nabiyoñ se karī thī, wo añjaam paaegī!”<sup>(31)</sup> Usko Romī logoñ ke hawaale kar diyā jaaegā jo uspar hasenḡe, beiztī karenḡe aur uspar thukenḡe.<sup>(32)</sup> Wo log usko koḡe maarenḡe aur qatl kar denḡe, lekin maut ke teesre dīn wo phir se ziñdā ho jaaegā.”<sup>(33)</sup>

Lekin shaagirdoñ ko kuch bhī samajh me naheen āyā. Is baat kā matlab unpar zaahir naheen huā thā, islie wo Īsā<sup>(a.s)</sup> kī baat ko samajh naheen paae.<sup>(34)</sup>